

Na osnovu člana 6. stav 3. Zakona o stočarstvu ("Službene novine Federacije BiH", broj 66/13), federalni ministar poljoprivrede, vodoprivrede i šumarstva donosi

**PRAVILNIK
O OBLIKU, NAČINU VOĐENJA REGISTRA I
OBRAZAC PRIJAVE ZA UPIS UZGAJIVAČA
UZGOJNO VRIJEDNIH ŽIVOTINJA**

I - OPĆE ODREDBE

Član 1.

- (1) Ovim Pravilnikom propisuje se oblik, način vođenja registra uzgajivača uzgojno vrijednih životinja, kao i obrazac prijave za upis uzgajivača uzgojno vrijednih životinja.
- (2) Odredbe ovog Pravilnika odnose se na fizička i pravna lica.

Član 2.

- (1) Za primjenu ovog Pravilnika pored definicija u važećim propisima iz oblasti stočarstva koriste se slijedeći pojmovi:
 1. Kantonalni registar uzgajivača uzgojno vrijednih životinja (u daljem tekstu: Kantonalni registar) vodi se u kantonalnoj uzgojno selekcijskoj službi;
 2. Centralni registar uzgajivača uzgojno vrijednih životinja (u daljem tekstu: Centralni registar) vodi se u Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo);
 3. Registar ergela je poseban registar u koji se upisuju ergele kao posebne jedinice u konjogojstvu i vodi se u Federalnom ministarstvu.

Član 3.

- (1) Kantonalne registre, Centralni registar i Registar ergela vodi lice ovlašteno za vođenje registra, koga pismeno ovlasti rukovodilac organa uprave ili rukovodilac upravne organizacije.
- (2) Izgled i sadržaj registara iz stava 1. ovog člana propisan je Obrascima br. 1, 2. i 3. koji se nalaze u prilogu ovog Pravilnika i čine njegov sastavni dio.
- (3) Registri se vode u elektronskom obliku.

II - PRIJAVA I UPIS

Član 4.

- (1) U Kantonalni registar i Centralni registar se upisuju pravna i fizička lica prema vrsti životinja koje se uzgajaju na temelju prijave.
- (2) Prijavu za upis u Kantonalni Registar uzgajivač podnosi kantonalnoj uzgojno selekcijskoj službi.
- (3) Prijava iz stava 1. ovog člana propisana je na obrascu broj 4. koji se nalazi u prilogu ovog Pravilnika i čini njegov sastavni dio.
- (4) Uz prijavu se prilaže Potvrda kojom se dokazuje da uzgajivač ima odgovarajuća grla upisana u matičnu knjigu i grla upisana u uzgojni registar te da su obezbijeđeni uslovi u skladu sa Zakonom o zaštiti i dobrobiti životinja ("Službeni glasnik BiH", broj 25/09) i Pravilnikom koje moraju da zadovoljavaju farme i uslovima za zaštitu životinja na farmama ("Službeni glasnik BiH", broj 46/10).
- (5) Potvrda iz stava 4. ovog člana propisana je na obrascu broj 6. koji se nalazi u prilogu ovog Pravilnika i čini njegov sastavni dio, a izdaje se u skladu sa članom 169. Zakona o upravnom postupku ("Službene novine Federacije BiH", br. 2/98 i 48/99).
- (6) Potvrdu iz stava 4. ovog Pravilnika izdaje ovlaštena ustanova iz člana 3. stav 1. tač. 4. i 5. Zakon o stočarstvu ("Službene novine Federacije BiH", broj 66/13).

Član 5.

Prijava iz člana 4. stav 1. ovog Pravilnika sadrži:

- Naziv i sjedište pravnog lica, ime i adresu fizičkog lica uzgajivača;
- RPG i RK broj;
- Broj matičnih grla;
- Pasmina, križanac ili hibrid koji se uzgaja;
- Naziv uzgojno selekcijske službe koja će vršiti stručnu kontrolu proizvodnih, reproduktivnih i drugih svojstava uzgojno vrijednih životinja;
- Naziv veterinarske organizacije koja provodi zdravstveni nadzor.

Član 6.

- (1) Ako uzgajivač uzgojno vrijednih životinja ispunjava uslove propisane ovim Pravilnikom, kantonalna uzgojno selekcijska služba će donijeti rješenje o upisu uzgajivača u Kantonalni registar.
- (2) Primjerak rješenja iz stava 1. ovog člana dostavlja se Federalnom ministarstvu najkasnije u roku od 15 dana od dana njegovog donošenja na osnovu kojeg će Federalno ministarstvo izvršiti upis uzgajivača u Centralni registar.

Član 7.

- (1) Ako uzgajivač prestane da ispunjava neki od propisanih uslova za upis u Kantonalni registar, kantonalna uzgojno selekcijska služba će donijeti rješenje o brisanju proizvođača iz kantonalnog registra.
- (2) Primjerak rješenja iz stava 1. ovog člana dostavlja se Federalnom ministarstvu najkasnije u roku od 15 dana od dana njegovog donošenja na osnovu kojeg će Federalno ministarstvo izvršiti brisanje uzgajivača iz Centralnog registra.
- (3) Uzgajivač je dužan da o svakoj promjeni koja je od utjecaja za upis u registar, odnosno na brisanje iz registra, pismeno obavijesti kantonalnu uzgojno selekcijsku službu u roku od 30 dana od dana nastanka promjene.

Član 8.

- (1) Brisanje uzgajivača iz Kantonalnog registra vrši se na osnovu rješenja iz člana 7. stav 1. ovog Pravilnika.
- (2) Danom brisanja iz Kantonalnog registra, proizvođač gubi pravo da se bavi uzgojem uzgojno vrijednih životinja.
- (3) Prijavu za ponovni upis u Kantonalni registar uzgajivač može podnijeti po proteku roka od šest mjeseci od dana brisanja iz registra.

Član 9.

- (1) Ergela se upisuje u Registar ergela na temelju prijave koja se podnosi Federalnom ministarstvu.
- (2) Uz prijavu se prilaže potvrda kojom se dokazuje da ergela ispunjava slijedeće uslove:
 - da postoje najmanje tri kobile iste pasmine i odgovarajući broj pastuha;
 - da postoje odgovarajući objekti u kojima se može obezbijediti valjano držanje i uzgoj konja;
 - da postoje površine za vanjsko držanje konja.
- (3) Prijava iz ovog člana propisana je na obrascu broj 5, a potvrda na obrascu broj 7. koji se nalaze u prilogu ovog Pravilnika i čine njegov sastavni dio.
- (4) Prijava iz stava 1. ovog člana treba da sadrži:
 - naziv ergele;
 - RPG i RK broj
 - pasmina konja koja se uzgaja;
 - broj konja po kategorijama.

Član 10.

Ako ergela ispunjava uslove propisane ovim Pravilnikom, Federalno ministarstvo će donijeti rješenje o upisu ergele u Registar ergela.

Član 11.

- (1) Ergela je dužna prijaviti Federalnom ministarstvu promjene te priložiti dokaze o izvršenoj promjeni.
- (2) Ako se utvrdi da ergela nije prijavila nastale promjene, odnosno da ne ispunjava uslove iz člana 9. ovog pravilnika Federalno ministarstvo će donijeti rješenje o brisanju ergela iz Registra ergela.

III - PRELAZNE I ZAVRŠNE ODREDBE

Član 12.

Do uspostave kantonalnih uzgojno selekcijskih službi poslove iz ovog pravilnika obavljati će kantonalna ministarstva nadležna za poslove stočarstva.

Član 13.

Stupanjem na snagu ovog Pravilnika prestaje važiti Pravilnik o postupku donošenja i sadržaja prijave za upis u registar proizvođača kvalitetne i elitne priplodne stoke i o vođenju registra proizvođača kvalitetne i elitne priplodne stoke ("Službene novine Federacije BiH", broj 10/99).

Član 14.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 03-3-24/1-3390-1/13

Marta 2014. godine

Sarajevo

Ministar

Jerko Ivanković-Lijanović, s. r.

OBRAZAC BR. 1

REGISTAR UZGAJIVAČA UZGOJNO VRJEDNO ŽIVOTINJA

(naziv kantona)

[illegible]

OBRZAC BR. 2

CENTRALNI REGISTAR UZGAJIVAČA UZGOJNO VRIJEDNIH ŽIVOTINJA

[illegible]

OBRAZAC BR. 3

REGISTAR ERGELA

[illegible]

OBRAZAC BR. 4

PRIJAVA
ZA UPIS UZGAJIVAČA UZGOJNO VRIJEDNIH ŽIVOTINJA

Naziv i sjedište pravnog lica, ime, prezime i adresa fizičkog lica (uzgajivača):

Broj RPG i RK: _____

Broj grla upisanih u matičnu knjigu ili broj grla upisanih u uzgojni registar:

Pasmina, križanac ili hibrid koji se uzgaja: _____

Naziv uzgojno selekcijske službe koja će vršiti stručnu kontrolu proizvodnih, reproduktivnih i drugih svojstava uzgojno vrijednih životinja:

Naziv veterinarske organizacije ili vlastite službe koja sprovodi zdravstveni nadzor nad uzgojno vrijednim životinjama:

Mjesto i datum:

Potpis podnosioca prijave:

OBRAZAC BR. 5

**PRIJAVA
ZA UPIS ERGELA**

Naziv i sjedište ergele: _____

RBPG i RK broj: _____

Broj konja koji se uzgaja po
kategorijama: _____

Pasmina konja koja se uzgaja: _____

Naziv veterinarske organizacije koja provodi zdravstveni nadzor na ergeli ili
vlastita služba: _____

Datum i mjesto:

Potpis podnosioca prijave:

OBRAZAC BR. 6

Naziv ovlaštene ustanove

Broj:

Datum:

Mjesto:

POTVRDA

1. Naziv pravnog lica, ime, prezime fizičkog lica (uzgajivača):

2. Sjedište (adresa): _____

3. Vrsta životinja: _____

4. Pasma, križanac ili hibrid koji se uzgaja: _____

5. Da li su obezbjeđeni uslovi u skladu sa zakonom o zaštiti i dobrobiti životinja („Službeni glasnik BiH“, broj 25/09) i Pravilnikom koje moraju da zadovoljavaju farme i uslovima za zaštitu životinja na farmama („Službeni glasnik BiH“ broj 25/09).

DA

NE

Mjesto i datum:

Ptpis:

OBRAZAC BR. 7

Naziv ovlaštene ustanove

Број:

Датум:

Мјесто:

POTVRDA

Број кобила исте пасмине и одговарајући број коња: _____

Да ли постоје објекти за ваљано држање коња:

DA

NE

Да ли постоје површине за ванјско држање коња:

DA

NE

Датум и мјесто:

Потпис:
